

南
書
高
句

湘潭劉梅垞先生鑒定

尚書離句

三元堂藏板

三元堂書坊

本號加工採
潔白紙張印
書辭發兌開
佛山鎮大地
上長廣莊字
諸尊光顧請
庶不致誤
主人謹識

不得乎辭而通其義者無有也句讀之不知則其辭
又烏乎得古者入學二年鄉遂大夫於年終時考視
其業而先之以離經離經者謂離析經理使章斷句
絕也是故韓子究窮經傳史記百家之書必曰反覆
乎句讀非謂童者之末節而已夫句讀之不易知者
書爲甚古今語異一也蒼頡古字俗師失其讀二也
自伏生始授晁錯錯所不知者已十二三略以其意
屬讀而已而況其凡乎是以楊仲愚請朱子點尙書
以幸後學而朱子難之蓋其慎也科舉之學興九峯

書傳立於學官章斷句絕亦旣粲然畫一然而末學
膚受憚于博練聽舛承譌往往而在癸卯春余典試
閩中還過武林見仁和錢子蒼益所輯尙書離句一
編挑截本末分刳節度時亦訓詁舉大誼辭義條貫
事理明正爲功於承學之士者甚鉅閱已酉余視學
江蘇延蒼益於公署閒嘗商論尙書蒼益復爲余言
宋儒讀書動輒言悞武成一篇旣已寸寸裂之其他
上起舜典下訖多方所疑脫簡間編積至數十條竊
謂他經容有悞而書不容悞書之虺詬武成容有悞

而舜典臯謨禹貢康誥梓材洛誥多士多方諸篇不
容悞何者以此固伏生二十九篇所已傳而考定于
安國者也伏生或悞安國豈應再悞且不讀漢書藝
文志乎劉向以中古文校歐陽大小夏侯經文酒誥
脫簡一召誥脫簡二夫所謂中古文者卽安國所獻
壁中書也所謂三家經文者卽伏生所傳二十九篇
也然而脫簡之云則在酒誥召誥而於宋儒所疑諸
篇又了不相值語云莫三而迷今此諸篇伏生授之
安國定之劉向又繆之所謂三卿爲主而羣疑滿腹

必欲擠之六州鑄錯之列亦獨何與余聞其說知其
鑽灼經典更能通大義不執一隅之解其他探討失
得辯析異同者又未暇縷述而離句一編特倣帥初
肄簡之例爲離經辯志之始知類通達夫豈以是限
哉爰節所云而志之簡端

雍正庚戌季冬桐山張廷璐書於江陰公署



尚書集傳序

慶元

宋寧宗年號

己未冬先生文公令

平聲

沈作書集

傳

去聲

明年先生歿又十年始克成編總若干萬

言嗚呼書豈易

異音

言哉二帝

堯舜

三王

禹湯文武

治

平聲

澄之反鄒氏季友曰治字本平聲借用乃爲去聲故陸氏于諸經中平聲者並無音去聲者乃音直吏反而讀者不察乃或皆作去聲讀之今二聲並音以矯其弊平聲者修理其事方用其力也去聲者事有條理已見其效也諸篇中有不及書音者以此推之皆可見矣

天下

之大經大法皆載此書而淺見薄識豈足以盡發蘊奧且生于數千載之下而欲講明於數千

載之前亦已難矣然二帝三王之治

去聲下同

本於

道二帝三王之道本于心得其心則道與治固

可得而言矣何者精一執中堯舜禹相授之心

法也建中建極商湯周武相傳之心法也曰德

曰仁曰敬曰誠言雖殊而理則一無非所以明

此心之妙也至於言天則嚴其心之所自出言

民則謹其心之所由施禮樂教化心之發也典

章文物心之著也家齊國治而天下乎心之推

也心之德其盛矣乎二帝三王存此心者也夏

桀商受亾此心者也太甲成王困而存此心者
也存則治亾則亂治亂之分顧其心之存不存
如何耳後世人主有志於二帝三王之治不可
不求其道有志於二帝三王之道不可不求其
心求心之要舍音捨是書何以哉沈自受讀以來
沈潛其義參考衆說融會貫通廼敢折衷音微
辭奧旨多述舊聞二典三謨先生蓋嘗是正手
澤尚新嗚呼惜哉先生改本已附文集中其間亦有經承先生口授指畫而未及盡改者今
悉更定見本篇集傳去聲本先生所命故凡引用

師說不復

扶又反

識

音別反

四代

虞夏商周

之書分

為六卷

虞一卷夏一卷商一卷周三卷。書凡百篇遭秦火後今所存者僅五十八篇

文以時異治以道同聖人之心見

音現

於書猶化

工之妙著於物非精深不能識也是傳

去聲

也於

堯舜禹湯文武周公之心雖未必能造

七到反

其

微於堯舜禹湯文武周公之書因是訓詁

果五古纂

一切通古今之言也

亦可得其指意之大略矣嘉定

亦寧宗年

號

己巳三月既望武夷蔡沈序

沈俗作沈非沈音澄沈字仲默

建寧府建陽縣人西山先生之仲子從學朱文公隱居不仕自號九峰先生

終

凡例

一是集注解悉遵蔡傳中有未詳則采注疏經解大全諸說曾經朱子論定者補之

一句讀悉依監本點定細會傳意爲之離絕如舜典夙夜惟寅直哉惟清俗本皆以四字爲句細玩傳中敬以直內不使少有私曲則其心潔清云云自應至哉字絕句下二字另爲一句又君奭汝明勗偶王在亶俗本亦以下四字爲一句細玩蔡傳乃以如耕有偶接勉

輔句如車有馭補相信句下以并力頂勉輔
一心頂相信應分二句餘倣此

一經文分節處以一圈別之有經蔡傳考正者
依傳補移仍于句下注明以還其舊有諸本
互異者依監本改正

一音釋有蔡傳未備者依康熙字典陸氏釋文
增補附于本句注下有不盡音者字角用一
小圈

仁和錢在培蒼益識

尚書篇句

第一卷

虞書

堯典

舜典

大禹謨

皐陶謨

益稷

第二卷

夏書

禹貢

甘誓

五子之歌

胤征

第三卷

商書

湯誓

仲虺之誥

湯誥

伊訓

太甲上

太甲中

太甲下

咸有一德

盤庚上

盤庚中

盤庚下

說命上

說命中

說命下

高宗彤日

西伯戡黎

微子

第四卷

周書

泰誓上

泰誓中

泰誓下

牧誓

武成

洪範

旅獒

金縢

大誥

微子之命

康誥

酒誥

梓材

第五卷

周書

召誥

洛誥

多士

無逸

君奭

蔡仲之命

多方

立政

第六卷

周書

周官

君陳

顧命

康王之誥

畢命

君牙

冏命

呂刑

文侯之命

費誓

秦誓

尚書離句卷一

湘潭劉梅垞夫子鑒定

仁和錢在培蒼益輯解

虞書

虞舜氏因以為有天
下之號書凡五篇

堯典

堯唐帝名以簡冊
載堯事故名堯典

曰若稽古帝堯

史臣言考古帝
堯。曰粵通

曰放勳

言其功大而無
不至。放上聲

欽明

思安安

存諸心者恭敬不忽通明不昧文章著見意
思深遠皆出于自然而無所勉強。思去聲

允恭克讓

持已信能盡恭
接物誠能遜讓

光被四表

故其功德之光輝
被及四方之外

格于上下

至于塞
乎天地

克明俊德

能明已
之大德

以親九族

以親愛高祖至玄孫
及父母妻之九族

九族既睦

盡親

平章百姓

以之均平章
顯畿內民庶

百姓昭明

百姓皆能
自明其德

協和萬邦